

JEMEN EI EO AN NAMORIK ATOLL
LOCAL GOVERNMENT

PART I. - EKKAR IM LOAN JEMEN EI IN.

SECTION 1. Etan Local Government Eo.

Etan Local Government in ej Namorik Alele Local Government.

SECTION 2. Belakin Local Government eo.

Belakin edro im maron eo an local government in ekitbuj aolepen Namorik Atoll im ekkar Article IX, Section 1(2) im (3) in Jemen Ei eo an Marshall Islands, ekoba malo eo im bedbed in malo eo iloan Namorik Atoll im meto eo im bedbed in meto eo ej jebole ailin in jino jen tuene tata in ijo ej ijino territorial sea eo an ailin in metolok non 5 mile imeto, einwot emoj kalikare ilo Schedule 1.

SECTION 3. Capitol Eo.

Office eo elap an Namorik Alele local government enaj bed ilo Namorik Island, Namorik Atoll, ak ilo bar jet jikin ko ilo ailin eo Council eo ej karoki kin resolution.

PART II - RAAN KOMON-KIEN EO

SECTION 4. Ejakin Raan Kakien Eo.

Juon ra in komon kien, eo na etan Namorik Atoll Council ej kio ejak non local government eo, im ekkar non Section 13(1) ilo Local Government Act 1980, maron eo an local government non komon kakien, ewoj im kojemoj money im ej itok iumin Article IX, Section 2 in Jemen Ei eo an Marshall Islands, ej kio ilok none.

SECTION 5. Member ro im ekelel ko.

(1) Council eo enaj ejak kin 16 members, ro im rej:

(a) jonoul ruo member kelet in jen biljin dri vote ro; im

(b) jily alab member kelet in alab in Namorik; im

(c) juon Iroj member kelet in Iroj in Namorik ro emen, im ewor air maron ilo Namorik ekkar non manit.

(2) At-large member ro walok ilo Subsection (1)(a) dri vote in Namorik Atoll renaj kelet ir kin ballot einwot emoj karoke ilo Section 13 im 23 in Local Government Act 1980 eo.

(3) Alab member ro walok ilo Subsection (1)(b) rej kelet in alab in Namorik Atoll einwot an alikar ilo Section 13 im 23 in Local Government Act 1980 eo.

(4) Iroj member eo walok ilo Subsection (1)(c) ej kelet in Iroj ro emen ewor afj maron ilo Namorik Atoll ekkar non manit in Marshalls.

(5) Ekelel eo moktata non aolep member ro walok ilo Subsection (1) enaj komon ilo juon ran eo ekkar im ebak tata non ran eo ej jejet kitien Jemen Ei in, ekkar non karok eo an Chief Electoral Officer eo, im ekelel ko tok elik renaj komon ilo ran ko Chief Electoral Officer eo enaj kalikari.

(a) Non at-large member ro walok ilo Subsection (1)(a) ien eo ebak tata mokta jen an un 2 yio jen ke rar kelet e non jea eo an; im

(b) Non alab member ro walok ilo Subsection (1)(a) ien eo wot ebak tata mokta jen an un juon yio jen ien eo rar kelet e non jea eo an; im

(c) Non Iroj member eo walok ilo Subsection (1)(c) ien eo ebak tata mokta jen an un juo yio jen ien eo rar kelet e non jea eo an.

SECTION 6. Qualification ko an Council member.

(1) Qualification ko ikijen ekelel non at-large member ro walok ilo Section 5(1)(a) rej errein:

(a) bwe en 18 an yio ak dritolok; im

(b) bwe en juon citizen in Marshall Islands; im

(c) bwe en moj an jokwe ilo Namorik Atoll iumin juon yio; im

(d) en ejelok utame in komeli ibben; im

(e) en jab bed iumin kaje an kien kin bwir ko rellap ilo ien ekelel en; im

(f) bwe en juon eo emoj an register bwe en dri vote in Namorik Atoll; im

(g) bwe en wor an maron ion bwirej ilo Namorik Atoll; ak *im*

(h) bwe ear baj juon dri jokwe wot ilo Namorik Atoll iumin en jab tetlok jen 5 yio im e ej Jemen ak Jinen juon ajiri eo ej juon armij in Namorik Atoll.

(2) Qualification ko ikijen ekelel non alab member ro walok ilo Section 5(1)(b) rej erro emoj kalikari ilo Subsection (1) im bwe en wor air maron ko an alab ilo ~~Namorik Atoll~~.

SECTION 7. Term in jermal

(1) Term in jermal an at-large member ro walok ilo Section 5(1)(a) ej ruo yio; im

(a) ej ijino ilo ran en elkin an moj kojela ke emoj kelet; im

(b) jemlok ilo ran en mokta jen ran in ekelel non jea eo an.

(2) Term in jermal an alab member ro walok ilo Section 5(1)(b) ej juon yio;

im

(a) ej ijino ilo ran en elkin an moj kojela ke emoj kelet; im

(b) jemlok ilo ran en mokta jen ran in kwelok non ekelel non jea eo an.

(3) Term in kwelok an Iroj member eo walok ilo Section 5(1)(c) ej juon yio

im -

(a) ej ijino ilo ran eo elkin an moj kojela ke emoj kelet; im

(b) jemlok ilo ejja ien en wot aj jemlok term in jermal an alab ro einwot an alikar ilo Section 2(b).

SECTION 8. Jea ko ejelok kobbair.

(1) Jea eo an juon Council member enaj ejelok kobbair elane -

(a) term in jermal eo an ej jemlok ekkar non Section 7; ak

(b) emoj an jako maron ko ren kar bed ibben ekkar non Section 6 ilo ien eo rar kelete ak jitone; ak

(c) emoj an mij; ak

(d) ej kamoje e jen jea eo an ilo jeje non local government eo; ak

(e) emoj komakiti jen office ekkar non Subsection (2).

(2) Council eo emaron, kin vote ko an 2/3 in aolep ro iuan Council komakit juon member jen office, kin un ko rekkar.

SECTION 9. Jea ko ejelok kobair kin un ko jet.

(1) Elane enaj ejelok kobban jea eo an juon ian Council member ro ba kake ir ilo Section 5(1) kin un ko jet ijelokin an jemlok term in jermal eo an ekkar non Section 7, naj komane juon special election non kane jea eo ilo bukon in ekelel eo wewin in ejelete ilo ien eo ekkar im mckaj.

SECTION 10. Kwelok ko.

(1) Kwelok ko an Council eo naj komon iet tata juon alen ilo juon allin ilo aolep allin ko, ilo ran im ien ko Mayor eo ej karoki ilo kojela ekkar non Rules of Procedure ko an Council.

(2) Elkin wot an alikar tokjen ekelel eo maktata an Council, Chief Electoral Officer eo enaj kir juon kwelok an Council, ilo kojela non aolep ro iuan Council.

(3) Jabrewot ien Mayor eo emaron, elkin wot an tobrak lok ibben juon petition eo ej kwalok naj men in bebe ko, jen ro relonlok jen jimettan in ro iuan Council eo, kir non juon kwelok an Council, kin kojela ekkar non Rules of Procedure ko an Council im kwalok naj men in bebe ko.

(4) Menin jermal ko wot emoj kolajraki ilo kojela eo ej kir juon special meeting naj jermal ilo special meeting eo.

(5) Meeting ko an Council naj bellok non jabrewot armij.

(6) Lonlok jen jimettan in aolep ro iuan Council enaj komon quorum in kwelok ko an Council.

(7) Mayor eo enaj tol aolep kwelok ko an Council elane ebed im, ilo lor wot Section 18 im Rules of Procedure ko an Council, ilo ien an jako ak ilo ien an ejelok kobban office eo an, juon dri kwelok kelet in ro iuan Council rebed, enaj tel kwelok.

(8) Ijelokin wot wewin ko jet emoj karok' ilo Local Government Act 1980 eo,

aplep men in bebe ko rej walok ilo juon kwelok an Council naj ejelok bebe enaj ella elane woran vote ko wot juon.

SECTION 11. Wewin Kwelok.

(1) Council eo enaj je im kejbarok juon journal kin kobban kwelok ko.

(2) Council eo enaj ejak rule in kwelok, ren jab idrabtok ibben Constitution in, jabrewot kien an Central Government eo ak jabrewot ordinance an Local Government im, non karkan wewin an Council eo komoni im lolorjake jermal in kwelok ko an.

(3) Ilo lor wot Jemen Ei in, jabrewot kakien an Kien eo lolap ak jabrewot ordinance an local government eo, Council eo enaj make karok wewin an jermal.

SECTION 12. Committee ko.

(1) Council eo emaron ejak standing committee ko jet bwe ren jembali jermal ko ej kile ke rekkar bwe committee en jembali.

PART III. JEBAN LOCAL GOVERNMENT EO.

SECTION 13. Office eo an Jeban Local Government eo.

Office eo an jeban eo an Local Government in, eo im na etan Mayor ej kip ejak non local government in.

SECTION 14. Qualification

(1) Qualification ko ikijen ekelel non Mayor rej errein:

(a) bwe en 30 an yio ak drittolok; im

(b) bwe en juon citizen in Marshall Islands; im

(c) bwe en moj an jokwe ilo Namorik Atoll iumin juon yio; im

(d) en ejelok utamwe in kemalii ibben; im

(e) en jab bad iumin kaje an sien kin bwir ko rellap ilo ien ekelel en; im

(f) bwe en juon eo emoj an register bwe en dri vote in Namorik Atoll; im

(g) bwe en wor an maon ion bwirej ilo Namorik Atoll.

SECTION 15. Ekelel

(1) Register voter ro rej aikwij kelet Mayor eo.

SECTION 16. Term

- (1) Term in jermal eo an Mayor eo ej 2 yio; im
 - (a) ej ijino ilo ran en elikin an moj kojela ke emoj kelet e; im
 - (b) ej jemlok ilo ran en mokta jen ran in ekelel non jea eo an.

SECTION 17. Jolok Kobban Office eo

- (1) Office eo an Mayor enaj ejelok kobban elane -
 - (a) ej bwirak an jermal ekkar non Subsection (2);
 - (b) ej namoje e make kin kojela ilo jeje non clerk eo an local government eo.
- (2) Council eo emaron, kin vote an 2/3 in aolep ro iuan Council eo, komakit Mayor eo jen office eo an kin wot un ko emoj kamol ruon kaki.
- (3) Elane office eo an Mayor enaj ejelok kobban kinke term in office eo an emoj an jemlok, einwot ej walok ilo Section 16 Subsection (1)(b) enaj wonmanlok wot im bok edro ko an Mayor mae ien emoj kelet juon Mayor kaal.

SECTION 18. Dri Binej Jenkwan Mayor eo

- (1) Ilo ien ej jako ak utamwe Mayor eo enaj jiton juon ian ro iuan Executive Committee eo bwe en bok edro in jermal ko an, ak elane ejab jiton juon, Executive Committee eo enaj jiton juon.
- (2) Juon member in Executive Committee eo emoj jitone ekkar non Subsection (1) bwe en bok edro im lolorjake jermal ko an Mayor, enaj belik et eo Mayor, im jabrewot melele ko ilo jabrewot kien ak Rules of Procedure ko an Council rej iokelok Mayor naj kile ke rejelet member in ekkar non wewin in.

SECTION 19. Jermal eo an Jeban eo an Local Government

- (1) Aolep maron ko jermal eo im edro ko jet jebar jen Jemen Ei in, ordinance an local government eo, kien an Central Government eo im rules of procedure ko an local government eo rej kio bed ibben Mayor eo.

PART IV - RAAN LOLORJAKE KIEN EO

SECTION 20. Ejak in ra eo ej lolorjake kien

- (1) Juon Executive Committee an Namorik Atoll Local Government ej kio ejak,

ekkar non Section 14(1) ilo Local Government Act 1980, ra-eo-eutiejtata non lolorjake kien ilo Namorik Atoll Local Government.

(2) Executive Committee in, ilo kobain aolepen ej uwak non Council eo kin makitkit ko an ran lolorjake kien in ilo belakin im maron eo an, im government eo im jabrewot kien an Central Government eo.

SECTION 21. Ejakin Executive eo.

(1) Executive Committee eo enaj ejak kin:

(a) Mayor eo; im

(b) Lalem (5) member in Council ijiton in Mayor eo kin jeje.

(2) Quorum eo non kwelok an Executive Committee eo ej jilu (3).

SECTION 22. Jolok kobban office.

(1) Office eo an Mayor enaj ejelok kobban ilo lor Section 17.

(2) Office eo an juon Executive Committee member enaj ejelok kobban elane:

(a) ejako jea eo an ilo Council ekkar non Section 8; ak

(b) ejako office eo an ilo Mayor iumin Section 17; ak

(c) kamoje jen jermal eo an iumin Subsection (3); ak

(d) ej kamoje make ilo kojela im jeje non Mayor eo.

(3) Mayor eo emaron jen ien non ien kin wor ak ejelok un, kamoje juon Executive member jen jermal.

(4) Elane enaj ejelok kobban jea eo an Mayor eo ijelokin wot ne kamoje iumin Section 17(2), executive member ro renaj wonmanlok wot im koman jermal ko air (ekoba jermal in jiton eo iumin Section 18, an juon ian ro iuan executive committee eo non lolorjake jermal ko an Mayor eo).

(5) Elane enaj jemlok jermal eo an juon an executive member kin wot an jemlok ien jermal eo an einwot juon member iumin Section 7, emaron wonmanlok wot im komani jermal ko an executive member mae ien emoj kelet Mayor eo ekal, ak elane ejab bar erum member in council eo, ejab maron in vote ak bok kunan ilo kwelok ko an council.

SECTION 23. Ijton in binej jenkwon (Acting appointment)

- (1) Ilo ien eo ejake ak utame juon ian executive committee eo, Mayor eo emaron -
 - (a) bar jiton juon executive member bwe en lolorjake jet ak aolepen jermal kein; ak
 - (b) jiton juon ian council member bwe en iuan executive committee eo ak aolepen men kein ilo ien jako ak utamwe.

SECTION 24. Ajeji jermal im edro non iuan executive committee eo.

(1) Ekkar non Jemen Ei in, jabrewot ordinance an Namorik Atoll Council im kien ko an Central Government, Mayor eo emaron jen ien non ien lelok ak ajeje lok non iuan executive committee eo (ekoba edro in lolorjake ordinance ko an Namorik Atoll Government).

(2) Mayor eo, enaj bok edroin jabrewot jermal im edro ko ejab kotloki einwot an walok iumin Subsection (1).

(3) Ejelok jabrewot ilo Section in enaj jelet jermal im edro ko an aolepen executive committee eo iumin Section 20(2).

SECTION 25. Jermal ko an Executive Committee eo.

Executive Committee eo ej kabijer maron, jermal im edro ko emoj lilok none iumin Jemen Ei in, ordinance an local government in, ak juon kakien an Central Government eo.

SECTION 26. Kabjek non Council eo (Ikijen wewin ko jet)

(1) Mayor eo enaj ilo ien eo emokaj kojelaik lok council eo im Minister eo an Kien eo an Marshall Islands in ej bok edro in local government ko kin -

- (a) Ijton, jolok jen jea ak kamoje an juon iuan executive committee eo; ak
- (b) Ijton eo an, ak jemlokin jiton eo an juon member in council non iuan executive committee eo iumin Section 23(1)(b); ak
- (c) Ijton eo jen e make non juon iuan executive committee eo bwe en bok jermal ko an Mayor iumin Section 18(1) ak
- (d) Ajeji eo iumin Section 24(1) kin edro ko non executive member ro

im jiton eo ium^a Section 23(2) an juon executive member bwe en bok jermal im edro ko an bar juon executive member.

(2) Executive Committee eo enaj ilo ien eo emokaj, kojelaik lok council eo im Minister eo an Kien eo an Marshall Islands ej bok edroin local government ko, kin ijiton eo an non juon ian ro iuan executive committee eo non an bok jermal im edro ko an Mayor eo iumin Section 18(1).

(3) Clerk eo an Namorik Atoll Local Government enaj ilo ien eo emokaj, kojelaik lok council eo im Minister eo an Kjen eo an Marshall Islands im ej bok edroin local government ko, kin Mayor eo naj kamoje jen jermal iumin Section 17(1)(b), ak kin naj jolok Mayor eo jen jermal iumin Section 17(1).

PART VI. - FINANCE

SECTION 27. Wonaki money ko rej drelon to! im drioj lok.

(1) Ejelok ewoj naj komon im ebar ejelok money in ewoj naj teltel im ejelok money an Local Government waj kojerbale, elane ejab melim kin kakien.

(2) Subsection (1) ej jab jelet grant ko (ijelokin wot loan ko) jen kien eo an Marshall Islands, ak bar non kojerbale money ko jen grant kein non un ko, im bed iumin karok ko im rej jermal kaki.

(3) Aolap money ko bok non local government in naj, ijelokin wot ne komalimi kin ordinance an local government eo ak iumin juon Local Government Financial Memoranda, komon iumin Section 41(2) ilo Local Government Act eo an 1980, kollaik lok non juon fund ak account ejjab ekkar non juon ordinance ak financial memoranda eo.

SECTION 28. Edroin money im executive committee eo.

(1) Ej edro eo an Executive Committee eo non jake manlok bebe ko non council eo ikijen jabrewot jermal ko rejelet budget, im jermal eo elap tata an executive committee eo enaj komon recommendation ko non council eo non komon ewoj im jermal in money ko jet, im non wewin kojermal money non local government in.

(2) Executive Committee eo ej iuak non council eo ikijen aolep jermal in money an local government eo im non komeleleik aolep jemlok in money ko ekkar non kojemoj ko an council eo ak maron ko jet ekkar non Jemen Ei in, juon ordinance an local government in ak juon kien an Central Government eo.

(3) Ijelokin wot ne jen kabilok ak kin erra eo an Executive Committee eo, kamole jen ak ilo etan Mayor eo, council eo ej jab maron komalim jabrewot ordinance ak jabrewot jermal ko jet jakemantak jen ro jet iuan council eo ijelokin wot Mayor eo ak juon iuan executive committee eo elane ordinance eo enaj, ilo lomnak eo an eo iuan council ej tel kwelok eo -

(a) kojerbal ak muri ikijen money ko an local government eo; ak

(b) Kojabikbiki ak ukote (ijelokin wot ne ikijen kadrikdriklok jermal in money ak muri; ak

(c) Kojerbal, ukote ak jolok jabrewot ewoj, rate, muri, wonen ak fine.

SECTION 29. Budget im kojemoj.

(1) Executive Committee eo enaj lolorjake bwe en jadremantak iman council eo ilo aolep financial yio -

(a) juon lajtrak in budget estimates ikijen money im wewin kojerbali; im

(b) juon ordinance in kojemoj non lajraki wewin an naj jermal money ko an council, im maron in bar komon kakobaba ko im ordinance ko rejelot money in kakobaba.

(2) Ilo lor jabrewot local government administrative memoranda komon iumin Section 41(1)(a) ilo Local Government Act eo an 1980 ikijen wewin komon ordinance ko im non jabrewot local government financial memoranda komon iumin Section 41(2) ilo ejja kien in wot, ordinance in kojemoj ko im ordinance in kakobaba ko ikijen money renaj lor wewin Bill ko ikijen kojemoj in kakobaba ikijen kojemoj an Kien eo Iolap iumin Article VIII, Section 6 im 8 ilo Jemen Ei eo an Marshall Islands.

(3) Ilo lor jabrewot Local Government Financial Memoranda komon iumin Section 41(2) ilo Local Government Act eo an 1980, juon ordinance an local government in emaron komon loan ko, ilo lor bedbed ko ilo Article VIII, Section 7 im 9 ilo

Jemen Ei eo an Marshall Islands, non jermal in money ko rej itok wot ekoba re-programming im juon contingencies fund ak enaj jermal non jermal ko jet.

(4) Ejelok jabrewot ilo Section in enaj kabojrak kojemoj ko im rej lukkun kwalok un eo bwe en mottan ordinance ko an local government in oktak jen ordinance in kojemoj eo im ordinance in kakobaba eo.

(5) Kojemoj ko naj jake kitier ilo jemlokin aolep financial year eo im ejelete, ijelokin wot ne, ilo wot title eo an ordinance in kojemoj enaj bar kin juon ordinance in kalikar bwe in kojemoj eo.

SECTION 30. Loan ko

(1) Local Government in ejamin ebok loan ko, kotlok muri ikijen revenue ko an tokelik, ak komon jabrewot kain muri ko enaj jelet money ko an tokelik elane ejab lor Section 50 ilo Local Government Act eo an 1980.

SECTION 31. Account Ko.

(1) Executive Committee eo enaj lolorjake bwe en wor account ko ebolemair im record in revenue ko im expenditure ko an local government, men ko mwien local government in.

(2) Account in record kein renaj lor -

(a) jabrewot local government financial memoranda ejak iumin Section 41(2) ilo Local Government Act eo an 1980; im

(b) ekkar non memoranda kein, jabrewot kabilok jen Auditor General eo; im

(c) ekkar non memoranda kein, jabrewot ordinance an local government in.

(3) Executive Committee eo enaj ilo ien eo ejejet im mokajtata ilo jemlokin juon financial year, dror iman council eo account ko ikijen jabrewot money im wewin air jermal non local government in non yio eo, koba ibben jabrewot report ko ikijen bwinbwin account ko iumin Section 32.

SECTION 32. Audit (Bwinbwin)

(1) Ilo koba lok ibben bwinbwin eo walok iumin Section 36 ilo Local Government Act eo an 1980, Auditor General eo ak juon eo emoj an komalimi enaj ilo jabrewot ien bwine account im record ko an local government in, im jabrewot account ko naj

drori ak lomnak in drori iman Council iumin Section 31(3).

(2) Auditor General eo ak juon eo ej komalimi enaj report lok non council eo im Minister eo an Kien eo an Marshall Islands ej bok edro in local government ko kin bwinbwin eo im enaj, ilo report eo an kwalok aolep tibrikrik in likjab eo iloan account kein, ak ilo account ko ekkar non ijo ejelete.

(3) Non komoni jermal ko an bwinbwin iumin Subsection 1, Auditor General eo ak juon eo ej jitone ewor an maron im jimwe walok ilo Article VIII, Section 15 in ~~Jemen Ei~~ eo an Marshall Islands.

SECTION 33. Financial Memoranda

Ekkar non Jemen Ei in, jabrewot armij eo ej bok kunan ilo lolorjake makitkit in money ilo local government in renaj lor aolep Local Government Act eo an 1980.

PART VII. - STAFF (DRI JERBAL)

SECTION 34. Dri Jerbal

(1) Mayor eo, ilo etan local government in, emaron jiton juon Clerk non local government in, im bar officer im dri jermal ro jet einwot an walok ke menin aikwij non komanman jermal ko an local government in.

(2) Local Government in ej e eo ej kojermal clerk in im officer im dri jermal ro jet an kien in.

(3) Term im wewin ijiton im jermal an Clerk eo an officer ro im dri jermal ro jet naj komon kin ak iumin maron an ordinan an local government in, im elane enaj ejelok ordinance, naj oktak ko rekkar, lo wewin an ro ilo public service eo im rej bok jermal ko, non jabrewot unin jermal ilo jabrewot kien an Central Government eo non -

(a) Chief Secretary eo ak juon department head non ikijen clerk eo; im

(b) Public Service Commission naj ikijen executive committee.

SECTION 35. Secoded, etc. public servants.

Ekkar non jabrewot karok ko iumin Section 16(3) ilo Local Government Act eo an 1980, im non jabrewot un ko roaktak jen jabrewot ordinance an local government im,

juon member in Public Service eo im naj kojerbale ilo local government ekkar non Section in, ak lelok jiban ko an non local government in ekkar non Section in, naj kotemane bwe ej juon officer an local government in non un ko an jabrewot ordinance an local government in ijelokin wot juon ordinance eo ej kailar term im wewin ebok jermal ilo local government in.

PART VII. - OKTAK KO

SECTION 36. Wewin komon oktak.

(1) Jemen Ei in emaron oktak kin juon ordinance eo emoj an elle ruo alen ibben Council kin 2/3 in vote ko an aolep ro iuan Council eo ijowotke, elle ko ruo an ordinance eo ej aikwij wor 30 ran ikotair, ak juon ien eo ekadrulok elane kin un ko rekkar ikijen wewin rot in, Minister eo an Government eo an Marshall Islands ikijen local government ej komelimi.

(2) Elane Minister eo an Kien eo an Marshall Islands ikijen local government ej kabilek lok non local government eo kin jet oktak non Jemen Ei in, council eo enaj lomnak kaki, ak rej jab aikwij buki, ilo an ejelok kakobaba.

PART VIII. - JERBAL KO JET

SECTION 37. Kien eo Iolap komon kabilok ikijen Ordinance ko.

Elane Minister eo an Kien eo an Marshall Islands ikijen local government ej rejan lok non council eo bwe juon ordinance en komon, ukok ak ukote loan, Mayor eo enaj lolorjake bwe kobban kabilok in ej jere iman council eo koba nan in kabilok ko jen Executive Committee eo.

SECTION 38. Jimwe im ekkar non Ordinance ko (etc)

(1) Mayor eo emaron, im enaj elane council eo enaj karoke, kajitok lok ibben Mayor eo non kien eo an Marshall Islands ikijen local government ko, kin juon report jen Attorney General eo kin jimwe im ekkar an juon ordinance ak jabrewot

elmakot in ordinance an local government eo ak jabrewot jermal ak elmakot jermal an local government eo.

(2) Elane Minister eo enaj komane juon report eo einwot kajitok eo ej walok ilo Subsection (1), Mayor eo enaj kwalok report in non Council eo.

SECTION 39. Ejelok Kobban jea ko

Ekkar im jejjet an jabrewot menin jermal ien council eo ak Executive Committee eo ak ilo lor jabrewot ordinance an local government eo im rule in jermal ko an council, jabrewot bar committee eo eban jelet jermal kein elane ewor jea en ejelok kobban ilo committee kein, ilo kajijete bwe en un iuan elane ewor jea en ejelok kobban ilo committee kein, ilo kajijete bwe en un iuan committee kein non komon kwelok ak en un quorum.

SECTION 40. Jermal

(1) Elane ewor jabrewot kain jermal ak unin jermal lelok non, jakemanlok ak karok local government ilo juon ien eo -

(a) Ejelok kobban jea eo an Mayor eo ak elane ejako ak utamwe Mayor eo; im

(b) Ejelok armij jitone iumin Section 18, enaj bwe elane naj jilkinlok im address e Clerk eo an local government eo.

SECTION 41. Jejit Kitien

Jemen Ei in enaj jejit kitien ilo ien eo Minister eo an Marshall Islands ikijen local government enaj karoke.